

Na osnovu Sporazuma sa Gradom Tuzla o međusobnoj saradnji na organizaciji i realizaciji manifestacije „Zima u Tuzli“ 2022/2023, broj: 04-497/22 od 28.10.2022. godine, Sporazuma sa Udruženjem obrtnika grada Tuzla o realizaciji projekta promocije, podrške i pomoći sektoru poduzetništva i obrta na teritoriji grada Tuzle, broj: 04-500/22 od 31.10.2022. godine, člana 19. stav (1) tačke c) i d) Zakona o turističkim zajednicama („Službene novine Tuzlanskog kantona“ broj: 11/15 i 14/16), člana 3. i 7. Statuta Turističke zajednice grada Tuzle („Službeni glasnik Grada Tuzla“ broj: 11/17 i 4/22), odredbi Pravilnika o organizaciji i realizaciji manifestacije „Zima u Tuzli“, broj: 02-304-1/21 i 02-493-1/22 i Odluke o raspisivanju Javnog poziva broj: 04-501/22 od 01.11.2022. godine, Turistički ured Turističke zajednice grada Tuzle, dana 01.11.2022. godine (utorak), objavljuje:

JAVNI POZIV

za dodjelu na korištenje mobilnih kućica u periodu od 09.12.2022. godine do 08.01.2023.godine, u svrhu podrške i pomoći sektoru poduzetništva i obrta na teritoriji grada Tuzle

I Predmet Javnog poziva

Ovim Javnim pozivom prikupljaju se prijave registrovanih samostalnih djelatnosti u osnovnom zanimanju iz oblasti ugostiteljstva i poduzetništva za učešće u manifestaciji „Zima u Tuzli 2022/2023“ (u daljem tekstu: manifestacija).

II Subjekti koji se mogu prijaviti na Javni poziv

Pravo podnošenja prijave za korištenje mobilnih kućica u periodu od 09.12.2022. do 08.01.2023. godine imaju:

- a) fizička lica koja obavljaju samostalne djelatnosti (obrtničke¹, ugostiteljske djelatnosti) registrovane na području grada Tuzle, kod nadležnog organa za registraciju djelatnosti u Gradskoj upravi Tuzla i koji registrovanu djelatnost obavljaju kao osnovno zanimanje, a u vezi sa pripremom i posluživanjem hrane i pića, te
- b) privredna društva (d.o.o.) koja su registrovana na području grada Tuzle, za obavljanje djelatnosti ugostiteljstva, odnosno priprema i posluživanje hrane i pića.

III Lokacija i radno vrijeme kućica

Lokacija na kojoj će biti postavljene kućice je Trg Slobode.

Radno vrijeme kućica je od 09.00 do 23.00, uz obavezu da kućice **moraju** biti otvorene i na raspolaganju posjetiocima manifestacije svakog dana u periodu **od 10.30 do 15.00 i od 18.00 do 23.00**, osim u okolnostima više sile² koja bi spriječila rad istih.

Ugovorom za korištenje kućica će biti propisane sankcije za korisnike koji se ne budu pridržavali propisanog radnog vremena, kao i drugih pravila korištenja kućica.

¹ Na Javni poziv se mogu prijaviti **samo** obrtnici registrirani za obavljanje ugostiteljske djelatnosti.

² Prirodne pojave u vidu elementarnih nepogoda, požara, štrajkova i demonstracija, zabrana kretanja i javnog okupljanja i drugih sličnih restriktivnih mjera.

Korisnicima kućica je dozvoljen rad i u toku cijelog radnog vremena (09.00-23.00) ukoliko su u mogućnosti da organiziraju nesmetan rad istih.

IV Omjer sufinansiranja učešća u organizaciji i realizaciji manifestacije

Ukupne troškove korištenja kućica u periodu navedenom u članu II. Javnog poziva zajednički snose odabrani korisnici i Turistička zajednica grada Tuzle sa Gradom Tuzla, u odnosu na ukupne troškove korištenja kućica koji podrazumijevaju: zakup javne površine, komunalne priključke, električnu energiju, usluge agencije za zaštitu ljudi i imovine, pregled i ispitivanje električnih instalacija, održavanje kućica i pripadajućih instalacija, obezbjeđenje sanitarnih jedinica (mobilnih WC-a), odvoz smeća, elaborat zaštite od požara i praktična obuka za rukovanje protupožarnim aparatom za krajnje korisnike kućica, obezbjeđenje muzičko-zabavnog programa i svi ostali troškovi nastali u vezi sa pripremom i korištenjem kućica.

Iznos sufinansiranja učešća u manifestaciji će biti utvrđeno posebnom Odlukom Turističkog ureda na osnovu projekcije ukupnih troškova iz prethodnog stava.

Odluka Turističkog ureda sa navednim iznosom sufinansiranja korištenja kućica u toku cijelog trajanja manifestacije će biti objavljena na internet stranici TZ grada Tuzle www.tztz.ba istodobno sa objavom ovog Javnog poziva.

V Kriteriji za odabir korisnika mobilnih kućica

Kriterij		Bodovi	Max. broj bodova
1	Prijavitelj je bio korisnik kućice u 2020. i/ili 2021. godini i sve obaveze prema TZ grada Tuzle je izmirio blagovremeno, te poštivao pravila korištenja kućica	Da	10
		Ne	0
		Nije ranije koristio kućice	5
2	Vlasnik je žena	Da	1
		Ne	0
3	Vlasnik je mlada osoba ³	Da	1
		Ne	0
4	Vlasnik je osoba sa invaliditetom ⁴	Da	1
		Ne	0
5	Broj zaposlenih u momentu apliciranja ⁵	1-3	1
		4-8	3
		>8	5
6	Prijavitelj obavlja registrovanu djelatnost duže od godinu dana u odnosu na datum objave Javnog poziva	Da	2
		Ne	0
7	Izmirene obaveze na ime članskog doprinosa turističkoj zajednici u tekućoj godini, zaključno sa mjesecom koji prethodi mjesecu u kojem je Javni poziv objavljen	Da	3
		Ne	0

³ Mlada osoba u smislu ovog Javnog poziva se smatra osobom koja je mlada od 35 godina.

⁴ Osoba sa invaliditetom u smislu ovog Javnog poziva se smatra osobom koja ima 60% i više invaliditeta.

⁵ U slučaju da se prijavljuje d.o.o. koji pored ugostiteljstva ima i druge djelatnosti kojima se bavi, ovdje se navodi samo broj zaposlenih koji rade u ugostiteljstvu. Ukoliko Prijavitelj ima organizacione/radne jedinice izvan teritorija grada Tuzle, zaposleni u tim organizacionim/radnim jedinicama ne ulaze u ukupni broj zaposlenih u ugostiteljstvu za potrebe ovog Javnog poziva.

Sve kvalifikovane prijave će biti bodovane u skladu sa gore navedenim kriterijima i Komisija iz člana VIII. ovog Javnog poziva će na osnovu osvojenih bodova sačiniti Listu krajnjih korisnika.

Prijavitelji na Javni poziv mogu podnijeti samo jednu prijavu i mogu ostvariti pravo na dodjelu samo jedne kućice.

VI Ko ne može učestvovati na ovom Javnom pozivu

Na ovaj Javni poziv **ne mogu** se prijaviti fizička lica bez registrovane samostalne djelatnosti u oblasti ugostiteljstva i poduzetništva, kao ni subjekti koji imaju status: javne ustanove, javnog preduzeća, organizacije civilnog društva i druga pravna lica.

VII Način prijavljivanja

Prijave na ovaj Javni poziv podnose se na prijavnom obrascu (*Obrazac 1*) koji se može preuzeti na internet stranici <https://tzt.ba/ba/javni-pozivi/>

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (*Obrazac 1*), prijavitelj je dužan dostaviti sljedeću dokumentaciju⁶:

- Dokaz o registraciji fizičkog lica koje obavlja samostalnu djelatnost ili obrt na području grada Tuzle, kod nadležnog organa za registraciju djelatnosti u Gradskoj upravi Tuzla (kopija rješenja nadležnog organa);
- Rješenje o registraciji i Rješenje o izmjenama/dopunama ukoliko su vršene (za d.o.o. koji se prijavljuju) – (kopija);
- Obrazac 2001 – Specifikacija za isplatu plaća zaposlenika u radnom odnosu kod pravnih i fizičkih lica, za prethodna tri mjeseca od mjeseca u kojem je Javni poziv objavljen, ovjeren pečatom nadležne Porezne uprave u gornjem desnom uglu ili DLN kodom u gornjem desnom (kopija);
- Obrazac 2002 - Specifikacija uz uplatu doprinosa poduzetnika sa prebivalištem u Federaciji BiH, za prethodna tri mjeseca od mjeseca u kojem je Javni poziv objavljen, ovjeren pečatom nadležne Porezne uprave ili DLN kodom u gornjem desnom uglu – (kopija),
- Uvjerenje o izmirenim obavezama prema javnim prihodima, ne starije od 30 dana od dana objave javnog poziva (original ili ovjereni kopija nadležne Porezne uprave);
- Fotokopija lične karte vlasnika,
- Potpisana Izjava o prihvatanju pravila korištenja kućica (sastavni dio Pravila o korištenju kućica);
- Dokumentacija kojom se potvrđuje da je vlasnik osoba sa invaliditetom (*ukoliko je navedeno u Obrascu 1*) – (kopija);

⁶ Prijavitelji koji ispunjavaju uslove iz člana II. ovog Javnog poziva, a koji s obzirom na vrijeme registracije nisu u mogućnosti dostaviti svu traženu prateću dokumentaciju iz člana VII. ovog Javnog poziva, će biti uzeti u razmatranje, uz napomenu da se vrijeme trajanja obavljanja djelatnosti ocjenjuje, kako je navedeno u članu V. ovog Javnog poziva.

- Izjava odgovornog lica prijavitelja o izmirenim obavezama na ime članskog doprinosa turističkoj zajednici, za prijavitelje koji su obveznici plaćanja - (izjava mora biti ovjerena od strane notara ili drugog nadležnog organa).

Napomena: *Prijavitelji nisu u obavezi dostaviti dokaz/uplatnice o izmirenim obavezama na ime članskog doprinosa turističkoj zajednici, ali su obavezni u svom knjigovodstvu izvršiti uvid u stepen izmirenja obaveza, te iste izmiriti ukoliko postoji dugovanje, jer će u postupku ocjene zaprimljenih prijava, Turistička zajednica grada Tuzle provjeriti u Turističkoj zajednici Tuzlanskog kantona stepen izmirenja obaveza za svakog prijavitelja i sukladno tome ocijeniti prijavu. Obrazac obračuna i uplate članskog doprinosa turističkoj zajednici dostupan na:*

<https://tourism-tk.ba/wp-content/uploads/2019/12/Obrazac-obra%C4%8Duna-i-uplate-%C4%8Dlanskog-doprinosa-turisti%C4%8Dkoj-zajednici.docx>

VIII Provođenje Javnog poziva

Postupak po Javnom pozivu provodi Komisija koju imenuje Turističko vijeće, a koja ima predsjednika i 2 člana, na način da u Komisiji budu dva (2) člana Turističke zajednice grada Tuzle i jedan (1) član Udruženja obrtnika grada Tuzle.

Za svaki od kriterija pojedinačno, Komisija dodjeljuje usaglašen broj bodova, a ukupan broj po Prijavnom obrascu predstavlja zbir svih dodijeljenih bodova u Obrascu za ocjenjivanje (*Obrazac 2*).

Po okončanju postupka ocjenjivanja, Komisija je dužna na osnovu obrazaca za ocjenjivanje sačiniti Zapisnik i Listu krajnjih korisnika po broju osvojenih bodova najkasnije 5 radnih dana nakon zatvaranja Javnog poziva, te istu uputiti Turističkom vijeću Turističke zajednice grada Tuzle na konačno usvajanje.

Po konačnom usvajanju Liste iz prethodnog stava, Turistički ured Turističke zajednice grada Tuzle će sa krajnjim korisnicima zaključiti ugovore iz člana IV. ovog Javnog poziva.

Konačna rang lista korisnika i Odluka o odabiru korisnika biće objavljena na internet stranici Turističke zajednice grada Tuzle <https://tztz.ba/ba/javni-pozivi/>.

Napomena: Korisnici mobilnih kućica odabrani putem ovog Javnog poziva stiču pravo korištenja istih nakon potpisivanja Ugovora iz stava (4) ovog člana i izmirenja obaveza koje se odnose na uplatu Turističkoj zajednici grada Tuzle pripadajućeg dijela ukupnih troškova korištenja mobilnih kućica iz člana IV. ovog Javnog poziva (minimalni iznos sufinansiranja utvrđen Odlukom iz člana IV. Javnog poziva).

Uplate se vrše isključivo putem transakcijskih računa odabranog pravnog lica (korisnika kućice), a iste se vrše na transakcijski račun Turističke zajednice grada Tuzle, broj: 13210002019638851 otvoren kod NLB banke u Tuzli, sa svrhom doznake: uplata po Ugovoru o učešću u manifestaciji „Zima u Tuzli“ 2022/2023 (*navesti broj Ugovora*).

IX Trajanje Javnog poziva i rok za podnošenje prijava

Javni poziv ostaje otvoren **do ponedjeljka, 14.11.2022. do 16:00 sati.**

Prijave na Javni poziv sa pratećom dokumentacijom dostavljaju se u zatvorenim kovertama lično ili poštom⁷ u Turističku zajednicu grada Tuzle na adresu:

TURISTIČKA ZAJEDNICA GRADA TUZLE
Ul. Soni trg broj 8, 75000 Tuzla, Bosna i Hercegovina

sa naznakom:

„Prijava na Javni poziv za učešće u manifestaciji „Zima u Tuzli“ 2022/2023“

/NE OTVARATI/

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u Javnom pozivu, mogu se dobiti u Turističkoj zajednici grada Tuzle na broj telefona: 035 257 499 ili slanjem upita na e-mail: info@tztz.ba .

⁷ Prijave koje se dostavljaju poštom moraju na koverti nositi pečat sa danom predaje pošiljke najkasnije do 14.11.2022.